




Ազդարարության Trumpet's Sound Ֆիլտ

52-րդ ՏԱՐԻ, ԱՎՍՏՐԱԼԻԱ
ՀՈՒՆԻՍ - ՕԳՈՍՏՈՒ 2021



Հայ Ավելարանական Եղբայրների Եկեղեցի ARMENIAN EVANGELICAL BRETHREN CHURCH

BI MONTHLY CHRISTIAN PUBLICATION
PUBLISHED BY THE
ARMENIAN EVANGELICAL BRETHREN CHURCH
112 SAILORS BAY ROAD, NORTHBridge,
NSW 2063 Australia

PASTOR HRATSH KIUJIAN
ARMENIAN EVANGELICAL BRETHREN CHURCH
PO BOX 1593, CHATSWOOD NSW 2057
email: pastor@armenianbrethren.org
URL: www.acmaust.org

«ԱԶԴԱՌԱՐՈՒԹՅԱՆ ՓՈՂ» երկամսյա թերթը Սիդնեյի Հայ Ավելարանական Եղբայրների Եկեղեցու հրատարակություն է: Պատասխանատու խմբագիր՝ հովիվ Հրաչ Գույուճյան:

Այս թերթը անվճար բաժանվում է հայրենիքում: Ցանկացողները կարող են դիմել նշված հասցենով:

ԲՈՎԱՆԴԱԿՈՒԹՅՈՒՆ

Խաչը Հովիվ՝ Հրաչ Գույուճյան

Մանր-մունր կանոններ Ոնքս Տիրուակ

Սաղմոս 32 Դուռ Մթորմըր

Գերիշխան Աստված Քաղված

Փողերի դատաստանները (1) QMBC պանորամա

Անմեղ կյանքը Ներ Բոքման

Երբ կյանքը կիտրուններ է տալիս Վեր. Հովսեփ Հովսեփյան

Եթե նույնիսկ նա սպանի իման Քաղված

Ինչո՞ւ եմ քաղցկեղը կոչում ի՞ն օրինությունը Հովիվ՝ Հրաչ Գույուճյան

Խաչը

Սուս են, թե խաչը հորինված է պարսիկների կողմից 6-րդ դարում (մ.թ.ա.): Շատ շանցած՝ հույները սկսեցին հանցազործներին պատժել խաչելությամբ, իսկ հետո նույնը արեցին նաև հոռմեացիները:

Երբ Երուսաղեմը գրավված էր հոռմեացիների կողմից, իրեա ժողովուրդը ծանոթ էր խաչի պատժին: Երբ Հիսուսին դատում էին, բոլորը սկսեցին բացականչել. «Խաչը հանիր նրան, խաչը հանիր»:

«Հիսուսին նայելով՝ մեր հավատի Հեղինակին ու Կատարողին, որ Իր առջև եղած ուրախության համար խաչը հանձն առավ, ամորն արհամարհեց ու նստեց Աստծո աթոռի աջ կողմում» (Եքր. 12:2):

Հիսուսը պատրաստակամորեն ընդունեց խաչի պատիժը, քանի որ առանց խաչի՝ փրկություն չկա մարդկության համար: Առանց արյուն թափելով՝ չկա մեղքի քողություն:

Ի՞նչ նշանակություն ունի խաչը մեզ համար այսօր: Շատերը դրժգոհում են՝ ասելով. «Իմ խաչը շատ ծանր է, իմ խաչը իմ ուժերից վեր է»: Այսպես ասելը նշանակում է, որ նրանք խաչի նշանակությունը ճիշտ չեն ըմբռնել: Նրանք մտածում են, թե այս կյանքի դժվարությունները խաչեր են, որոնք պետք է կրել: Հաճախ այս «խաչերը» պատրաստված են լինում մեր ձեռքով՝ մեր վարքագծի, լեզվի, վերաբերմունքի և բնավորության պատճառով: Բայց ի՞նչ էր խաչը Տեր Հիսուսի ժամանակ:

«Այն ժամանակ Հիսուսն Իր աշակերտներին ասաց. «Եթե մեկն ուզում է զալ Իմ հետևից, թող իր անձն ուրանա և իր խաչը վերցնի ու Ինձ հետևի»» (Մատթ. 16:24):

Առաջին դարում խաչը առօրյա խնդիրները չէին, խնդրահարույց դրացին չէր. այն առողջական խնդիր չէր: Խաչը մարդկանց տրված բան չէր, որն իրենց ավելի լավ քաղաքացիներ էր դարձնում:

Խաչը կրող մարդը իր մահը կնքելու ճանապարհին էր: Նա ինչ-որ

բան չէր ձեռնարկում ինքն իրեն ավելի լավ մարդ դարձնելու համար: Նա իր կյանքը ավարտելու եզրին էր:

Ուրեմն ի՞նչ նկատի ուներ Տերը խաչը վերցնել ասելով: Երբ Նա կրում էր Իր խաչը, Իր մահվան ճանապարհին էր: Մենք մեր խաչերը վերցնում ենք ու հետևում Նրան:

Կորնթացիներին ուղղված 1-ին նամակում Պողոսն այսպես է գրել. «Վկա եք դուք, որ իմ պարծանքն եք մեր Տեր Հիսոս Քրիստոսով, որ ես ամեն օր մեռնում եմ»: Ի՞նչ նկատի ուներ նա: Հնարավոր է՝ երկու բան.

- Նա պատրաստ էր Տեր Հիսոսի համար մահանալու: Շատ անգամ Ավետարանի հոչակման ժամանակ Պողոսի կյանքը վտանգի էր ենթարկվում:
- Նա ամեն օր մահանում էր իր անձի նկատմամբ: Իր անձնական ցանկությունները ոչինչ էին Տեր Հիսոսին գոհացնելու և Նրան հավատարմորեն ծառայելու համեմատ:

Յուրաքանչյուր հավատացյալ կանչված է խաչ կրելու. մենք այդպես ենք անում՝ Տիրոջ հանդեպ մեր հավատքի պատճառով: Ոմանց համար դա նշանակում է հալածանք և մահ, բայց բոլորին համար այն նշանակում է մահանալ սեփական անձի համար և ապրել միմիայն Տեր Հիսոսի համար: Խաչը կրելը մեզ ավելի մոտ է պահում Տիրոջը, որին սիրում ու ծառայում ենք:

Հաջորդ անգամ, երբ կզգաք խաչի ծանրությունը, իիշեք Հիսոսին, ով Իր Անձը տվեց աշխարհի փրկության համար:

Հ. Գ.

Ա Տիմոթեոս 2:1-3

1. Ուստի աղաքում եմ, ամեն բանից առաջ աղերսանք, աղոթք, բարեխոսություն և գոհություն մատուցել բոլոր մարդկանց համար,
2. Հատկապես՝ թագավորների և բոլոր նրանց, որ իշխանության մեջ են, որպեսզի խաղաղ ու հանդարտ կյանք վարենք, աստվածապաշտությամբ և անկեղծությամբ:
3. Քանի որ սա է բարին ու ընդունելին մեր Փրկիչ Աստծո առջև:

Մանր-մունր կանոններ

Հռոմ. 14

Ի՞նչ է նշանակում քրիստոնյաների հետ ապրել, որոնց հավատը տարբերվում է մեր հավատքից: Աստվածաշունչը լի է օրինակներով, որոնք նկարագրում են, թե ինչ է նշանակում ապրել որպես քրիստոնյա: Աստվածաշնչում քրիստոնյաները համեմատված են քարերի հետ, որոնց շինարարը, դրանք կողք կողքի դնելով, գեղեցիկ շինություն է կառուցում, որտեղ Աստված Խնքն է բնակվում: Մենք աղյուս չենք, այլ քար: Աղյուսէ կառույցը շատ է տարբերվում քարե կառույցից: Աղյուսները շինհրապարակ են հասնում միատեսակ չափերով ու ձևով, դրանք պատրաստ են կողք կողքի դրվելու: Բոլոր աղյուսները նույն չափը ունեն, քանի որ նույն կաղապարից են դուրս եկել: Դրանք շատ կոկիկ տեսք ունեն: Բայց մենք՝ մարդիկս, կաղապարից նույն տեսքով դուրս չենք եկել: Իրականում մենք միասնություն ենք: Մենք ավելի շատ նման ենք տարբեր չափի ու ձևի քարերի: Ոչ մի քար շինհրապարակ չի հասնում կատարյալ ձևավորված՝ իր տեղը գրավելու համար: Շինարարը պետք է մանրացնի ու ձևավորի այդ քարերը, որպեսզի դրանք ի վերջո կողք կողքի տեղափոխվեն:

Կողք կողքի տեղափոխվելու համար մանրացնելու ու ձևավորելու գործընթացը կարող է շատ ցավոտ լինել, և գտնվելով քրիստոնեական համայնքում՝ մեզանից շատ ժամանակ չի պահանջվում սա հասկանալու համար: Ինչպես հարմարվենք մեր բոլոր տարբերություններով հանդերձ: Որպես քարեր՝ Աստծո սրանչելի կառույցում յուրաքանչյուրս գտնվում ենք այս գործընթացի տարբեր փուլերում:

Տկար հավատը ունեցող մարդիկ նույնքան թանկ են Աստծո համար, որքան ուժեղ հավատք ունեցողները: Նրանք նույնքան ապահով են Աստծո սիրո մեջ, որքան ուժեղ հավատը ունեցողները: Հարցն այն չէ, թե որքան է մեր հավատքը, այլ թե մեր ունեցած հավատքը որտեղ ենք գործադրում: Նույնիսկ հզոր Աստծո հանդեպ տկար հավատքը կարող է փրկել մեզ: Սակայն տկար հավատքը խանգարում է մեզ՝ Աստծո տված կյանքը վայելելու համար:

Ի՞նչ նկատի ունի Պողոսը տկար հավատք ասելով. «Մեկը հավատում է, թե ամեն քան կարելի է ուտել, քայց նա, որ տկար է, քանչահեղեն է ուտում»: Ենթադրությունն այն է, որ ուժեղ հավատք ունեցողը ուտում է այն, ինչ սիրում է: Հնագոյն աշխարհում որոշ կրոններ արգելում էին միս ուտելը: Այդ կրոննական խմբերին հետևող մարդկանց սովորեցնում էին, թե միս ուտելը դժգոհեցնում է իրենց պաշտած աստվածներին: Հետո երբ այդ մարդիկ քրիստոնյա դարձան ու սկսեցին եկեղեցի հաճախել, տեսան, որ քրիստոնյաները Քրիստոսվ ազատ էին միս ուտելու մեջ, եթե ցանկանային այդ: Նրանք Քրիստոսի մեջ ազատություն ունեին, և Աստված նրանց ամեն ինչ տվել էր վայելքի համար: Այնուամենայնիվ, այս նորադրածները չեին կարողանում ազատվել միս ուտելու մասին իրենց իին գաղափարներից: Ուստի նրանք մերժեցին Աստծո քույլ տվածը: Պողոսը այստեղ ասում է, թե մանր կանոններով կաշկանդվելը տկար հավատքի ախտանշան է:

Պողոսը մանր կանոնների և կանոնակարգերի այլ օրինակ է տալիս. «Մեկը մի օրը գերադասում է մյուսներից, իսկ մի որիշի համար բոլոր օրերը նույն են: Թող ամեն մարդ իր մտքում լրիվ համոզված լինի» (հմք 5): Կարելի է եզրակացնել, որ տկար հավատք ունեցող մարդը օրերի նկատմամբ կասկածներ ուներ. օրերը դասակարգում էր ըստ կարևորության: Ուժեղ հավատք ունեցող անձը հավատում է, որ Աստված ստեղծել է շաբարվա բոլոր օրերը, և պետք է այդ բոլոր օրերում Աստծոն փառք բերի: Պողոսը Կողոսացիներին գրեց՝ ասելով. «Այսուհետև ոչ ոք չդատի ձեզ ուտելու և խմելու համար, կամ տուների, ամսագլուխների և շաբաթների համար: Որոնք գալիք բաների ստվերն են, քայց մարմինը Քրիստոսինն է» (Կող. 2:16-17):

Սիս ուտելու և շաբաթվա մեջ մեկ օրը սուրբ պահելու հարցը օրինակներ են, որոնց անդրադառնում է Պողոսը: Յուրաքանչյուր սերունդ կարծես իր ուրույն խնդիրներն ունի: Բոլորս ճանաչում ենք մարդկանց, ովքեր հավատքի որոշ հարցերի նկատմամբ խիստ կեցվածք ունեն, և կարծում եմ, որ մեզանից շատերը հավատքի որոշ հարցերի վերաբերյալ աննշան նախապաշարումներ ունեն: Սրանք բացարձակ քարոյական հարցեր չեն, այլ մանրութներ, գաղափարներ, որոնք մարդիկ արտահայտում են իրենց հավատքի մասին: Այն

տպավորությունը կա, որ մանր-մունք կանոնների հետևող անձնավորությունը գերհոգելոր է, սակայն Աստվածաշունչը հակառակն է սովորեցնում: Մանր-մունք կանոնների հետևողը տկար հավատք ունեցող անձ է: Այդպիսինները պետք է Աստծուն խնդրեն, որ իրենց օգնի՝ անկեղծորեն պատասխանելու իրենց մասին կենսական նշանակություն ունեցող հարցերին. «Արդյո՞ք իմ պահած կանոնները Աստծո հանդեպ իմ ունեցած սիրո ու նվիրվածության արտահայտությունն են, թե՞ միջոց են, որին կառչում են Աստծուն համոզելու համար, թե ինձանով հաճություն ունենա: Արդյո՞ք սա ապացույց է, որ իմ հավատքը բավականաչափ ուժեղ չէ՝ հավատալու, որ Քրիստոսը բավարար է ինձ՝ Աստծո առջև արդար կանգնեցնելու համար»:

Այսպիսով, միմյանց ինչպես են վերաբերվում ուժեղ և տկար հավատք ունեցող մարդիկ: Երրորդ համարը երկու միտք է ընդգծում.

- Քրիստոսվ ազատություն ունեցող ուժեղ հավատքի մարդիկ իրենց մանր-մունք կանոններով և բույլատրելիի ու անբոյլատրելիի մասին անվերջ քննարկումներով ճնշում են տկար հավատք ունեցող մարդկանց: Վերջիններիս համար կարծես թե երազանք լինի այն օրը, երբ իրենք էլ պետք է սկսեն վայելել Քրիստոսվ հասուն քրիստոնյայի ազատությունը:
- Տկար հավատք ունեցող մարդիկ դատապարտում են ուժեղ հավատք ունեցողներին: Նրանք չեն կարող պատկերացնել, թե ինչպես կարելի է առանց իրենց մանր կանոնները պահպանելու լուրջ քրիստոնյա լինել ու քրիստոնեական կյանք ապրել:

Ինչպես պետք է այս մարդիկ վերաբերվեն միմյանց: Պատասխանը ամփոփված է 1-ին համարի բայի մեջ: Ընդունեցե՛ք: Հաճախ եքք շփկում ենք մարդկանց հետ, ովքեք մեր տեսակետներից տարբեր տեսակետներ ունեն, հանդուրժում ենք նրանց, բայց պայման չէ, որ ընդունենք: Երբեմն նրանց մոտենում ենք թաքնված օրակարգով՝ համոզելու ընդունել մեր տեսակետը: Այդ ժամանակ ընդունում ենք նրանց: Թե ինչպես է դիմացինը արտահայտում իր հավատքն ու նվիրումը, լինի կանոններով կամ առանց կանոնների, դա մեր գործը

չէ: Մեր գործը ուրիշների հավատքը գնահատելը չէ, այլ նրանց ընդունելն է:

Աստված մեզ չի կանչել թշվառ կանոնների հետևելու: Նա կանչում է մեզ մեր պատկերացրածից ավելի լավ կյանքի՝ նոր կյանքի. նոր թագավորության մեջ, որտեղ արդարություն, խաղաղություն և ուրախություն է տիրում:

Ահա թե ինչո՞ւ Քրիստոսը մահացավ, ահա թե ինչո՞ւ է Քրիստոսն ապրում, և սա է այն սքանչելի կյանքը, որին Նա կանչում է յուրաքանչյուրիս:

Ոեքս Տիրլավ

Սաղմոս 32

32-րդ սաղմոսը երկրորդն է, որ վերևագրված է որպես ապաշխարության սաղմոս: Այնտեղ տեսնում ենք, թե ինչպիսի տաճանքների միջով է անցել սաղմոսերգուն նախքան ապաշխարությամբ Տիրոջը դառնալն ու իր հանցանքները խոստովանելը:

Սաղմոսը սկսվում է մի երանիով, ինչպես Սաղմոս 1-ը: Տիրոջ ճամփաներով քայլողը օրինյալ անձ է. իսկ այս սաղմոսում օրինյալ է նա, ում անօրինությունները բողնված են ու մեղքերը ծածկված են:

Սաղմոսում չարությունը չորս բառով է նկարագրված՝ անօրինություն (կամ անհնազանդություն), մեղք, հանցանք և նենգություն: Անօրինությունը որոշակի օրենքի խախտումն է. այն ապստամբություն կամ անհնազանդությունն է: Մեղքն Աստծո դրած չափանիշից պակասելն է. Մենք նահանջել ենք (հաճախ դիտավորյալ) Նրա սահմանած չափանիշից: Հանցանքը սխալ արարքն է, մինչդեռ նենգությունը մեր մտադրությունների քողարկումն է, որպեսզի ուրիշները չիմանան մեր մեղքերի մասին:

Նախքան իր մեղքերը խոստովանելը Դավիթը փորձեց ճնշել մեղքի ցանկացած զգացում, բայց չկարողացավ: Լուս մնալով՝ նա մաշվեց՝

անընդհատ հառաչելով: Աստծո ձեռքը ծանրացավ նրա վրա: Նրա ուժը բուլացավ, ինչպես ամառվա չորությունը:

Դավիթն ի վերջո ընդունեց իր մեղքը Տիրոջ առջև: Նա դադարեց իր անօրինությունը ծածկելուց: Նա իր հանցանքները խոստովանեց Տիրոջը և գիտակցեց, որ Աստված ներեց իր մեղքը: Այս սաղմոսից սվորում ենք օրինությունների մասին, որոնք տրվում են այն անձին, ով իր մեղքը խոստովանում է Աստծուն:

- Նրա անօրինությունները ներված են: Եթե անձը ներված է, ապա արձակված է իր պարտավորություններից: Անձը, որի պարտքը ներված է, պարտավոր չէ վարկը նարել: Անձը, որի մեղքերը ներված են, ստիպված չէ իր մեղքերի տուգանքը վճարել:
- Նրա մեղքերը ծածկված են: Սա մեզ հիշեցնում է Քավության օրվա ծիսակատարությունը: Քահանայապետը ցույի արյունով մտնում էր ամենասուրբ վայրը իր և իր ընտանիքի մեղքերի համար: Այսուհետև այդի արյունով մտնում էր ժողովրդի մեղքերի համար: Տապանակի քափության վրա սրսկված արյունը ժողովրդի ծածկոց էր համարվում մեղքերի համար: Հին Կտակարանի ժամանակներում, եթե անձի մեղքերը ծածկված էին, նա կարող էր շարունակել Աստծո հետ հաղորդակցվելը:
- Նրա անօրինությունը իրեն չի վերագրվելու: Այլ խոսքով՝ նա արդար է համարվելու: Այն անձը, ով կարող է օրենքը կատարելապես պահել, արդար է, նա օրենքի առաջ ուղիղ է, և օրենքը նրա դեմ որևէ պահանջ չունի: Բայց օրենքը խախտած անձը կարող է արդարանալ՝ վճարելով իր մեղքի տուգանքը: Սակայն մեղավորների համար անհնարին է սա, քանի որ մեղքի վարձքը մահ է, հոգևոր մահ: Սա Աստծուց հավիտենական բաժանում է նշանակում: Մեկը վճարեց մեր մեղքի տուգանքը: Հիսուս Քրիստոս արդարը մահացավ մեր մեղքի համար, որպեսզի եթե հավատանք Իրեն, արդար համարվենք: Հավատացյալի համար սա նշանակում է, որ իր անօրինությունը իրեն չի վերագրվելու:

Սաղմոսերգուն կոչ է անում բոլոր աստվածապաշտներին՝ աղոթելու Աստծո գտնվելու ժամանակ: Ովքեր այդպես անեն, Աստծո պաշտպանությունն են վայելելու: Զրերի հեղեղների ժամանակ նրանք ապահով կիհնեն: Այդպես է լինելու, քանի որ Տերը նրանց ապաստանն է: Նա ոչ միայն ապաստան է տրամադրում դժվարությունների պահին, այլև փառաբանության երգ է դնում նրանց բերանում:

8-րդ համարը կենտրոնական նշանակություն ունի սաղմոսում: Աստված ասում է, որ սովորեցնելու է մեզ մեր գնալու ճանապարհը: Հիշում ենք Տեր Հիսուսի խոսքը, որ ասել էր. «Ես եմ Ճանապարհը, ճշմարտությունն ու Կյանքը»: Մեզ առաջնորդելու համար Նա Սուրբ Հոգին ուղարկեց մեր գնալու ճանապարհին: Նա սովորեցնում է մեզ: Ավելին՝ Նրա աշքը մեր վրա է՝ պահպանելու և ուղրորդելու համար:

Մեզ հստակ ասվում է, որ ձիու կամ ջորու չնմանվենք: Ջորին համառության համբավ ունի, նա ավելի համառ է, քան ձին, բայց այս կենդանիներից ոչ մեկը հասկացնորդություն չունի, և նրանց պետք է սանձով ու պախուրցով վերահսկել, որպեսզի հնազանդվեն:

Ամքարիշտները հրաժարվում են Տիրոջ կամքին ենթարկվելուց և որպես արդյունք՝ շատ տանջանքների են հանդիպում կյանքում: Նրանք տարբերվում են Տիրոջը հուսացողներից: Ողորմությունն ու քարությունը պատելու են արդարներին:

Երբ խորհում ենք սրա մասին, լսում ենք Տիրոջով ուրախանալու և Նրանով ցնծալու պատվիրանը: Արդարներն իսկապես կարող են ուրախություննից երգել:

Այս սաղմոսը խրախուսում է մեզ խոստովանել մեր մեղքն այն պահին, երբ զիտակցում ենք մեր սխալը: Մենք պետք է քոյլ տանք, որ Տերը մեզ սովորեցնի մեր գնալու ճանապարհը և առաջնորդի մեզ: Այդ ժամանակ մենք կվայելենք այն մարդու օրինությունը, որի հանգաները թողնված են ու մեղքերը ծածկված են:

Դ-ոն Սթորմը



ԳԵՐԻՇԽԱՆ ԱՍՏՎԱԾ

2003 թ.-ի սեպտեմբերի 11-ին Ռոբերտ Մեթյուզ անունով մի մարդ, որ Վերջինիա նահանգում է ապրում, հետևյալ պատմությունը պատմեց տեղական ռադիոկայանով:

«2001 թ. սեպտեմբերի 11-ից մի քանի շաբաթ առաջ իմացանք, որ տիկինս իղի է մեր առաջին զավակով: Այդ շրջանում նա փափագեց Կալիֆորնիա մեկնել՝ քրոջը այցելելու: Երբ օդանավակայան էինք ճանապարհվում, աղոթեցինք, որ Աստված ապահով ճամփորդություն շնորհի տիկնոց: Հազիվ «ամեն» ասացինք, պայթյուն լսեցինք, և մեր ավտոմեքենան սկսեց ցնցվել, քանի որ անիվներից մեկը պայթել էր: Անիվն արագ փոխեցի, բայց բոիչը բաց բողեցինք: Երկուս էլ շատ նեղված տուն վերադարձանք: Քիչ անց հայրս, որը Նյու Յորքի ոստիկան էր, զանգահարեց և հարցրեց տիկնոցս օդանավի թոխը համարը: Երբ ասացի, որ օդանավը բաց ենք բողել, նա խորը շունչ քաշեց, ապա տեղեկացրեց, որ այդ նույն օդանավը Նյու Յորքի հարավային երկնասլաց Աշխարհի առևտրական կենտրոնին է բախվել: Այնքան ցնցված էի, որ չի կարողանում խոսել: Հայրս ուրիշ լուր էլ ուներ մեզ հաղորդելու: Նա ուզում էր աղետի գոտի գնալ՝ օգնելու: «Չեմ կարող ձեռքերս ծալած նստել, պարտք եմ զգում ծառայությունս մատուցելու», - ասաց: Մտահոգ էի նրա ապահովության համար և ավելի, քանի որ նա երբեք իր կյանքը Ջրիստոսին չէր հանձնել: Սի քիչ վիճաբանելուց հետո հասկացա, որ անօգուտ էր ասած ներս, քանի որ մտքին դրել էր գնալ: Նա հեռախոսն անջատելուց առաջ ասաց. «Թոռնիկիս մասին լավ հոգ տարեք»: Սրանք եղան հորս վերջին խոսքերը, որ լսեցի: Նա մահացավ ազատազրման աշխատանքում օգնելիս:

Տիկնոցս ապահովության ուրախությունը չքացավ հորս մահվան գույժի պատճառով: Աստծո հանդեպ բարկությամբ լցվեցի, նաև հորս ու ինքս իմ: Գրեթե երկու տարի Աստծուն մեղադրեցի, որ հորս տարավ, և զավակս երբեք չճանչեց պապիկին: Նաև վիրտս ցավում էր, որ հայրս, Հիսուսին չընդունած, անսպասելիորեն բաժանվեց մեզանից հավիտենապես:

Ապա սրանից երկու ամիս առաջ մի դեպք պատահեց, որ ամեն բան փոխվեց: Մինչ տունը նստած էի տիկնոցս և զավակիս հետ, հանկարծ դուռը բակեցին: Երբ բացեցինք, տեսանք անծանոք մի զույգ երեխայի հետ: Ամուսինը, ինձ նայելով, հարցրեց, թե հորս անունը Զեյքոր Մեթիո՞ւ էր արդյոք: Երբ «այս» ասացի, նա անմիջապես ձեռքս բըռնեց և ասաց.

- Ցավոք սրտի, առիթ չունեցա ձեր հոր հետ ծանոթանալու, բայց պատիվ ունեմ նրա որդուն հանդիպելու: Նա հուզմունքով բացատրեց, որ իր հորի կինը Նյու Յորքի Աշխարհի առևտրական կենտրոնում էր աշխատում և 2001 թ.-ի սեպտեմբերի 11-ին ահաբեկչական հարձակումից հետո քարակույտների տակ էր մնացել: Հայրս գտել էր նրան և ազատել: Աչքերս արցունքով լցվեցին, երբ մտածեցի հորս մասին, որ իր կյանքը զրիել էր այսպիսի մարդկանց փրկելու ժամանակ:

- Ուրիշ բան ևս ունեմ ասելու, - շարունակեց անծանոթը: - Մինչ հայրդ ջանում էր տիկնոցս ազատել, տիկինս վկայեց նրան և դեպի Քրիստոս առաջնորդեց:

Այս լորիի լսելուց հետո սկսեցի հեծկլտալով լացել: Հիմա գիտեմ, որ երբ Երկինք գնամ, հայրս, Հիսուսի կողքին կանգնած, ինձ դիմավորելու է, և այս երախտապարտ ընտանիքը անձնապես շնորհակալություն է հայտնելու նրան:

Երբ այս զույգը տղա զավակ էր ունեցել, նրան կոչել էին Զեյքոր Մեթիու՝ հորս հիշատակին, որ իր կյանքը տվեց, որ այս մայրն ու որդին ապրեն:

Այս պատմությունը ևս մեկ անգամ ցույց է տալիս, թե մեր Աստվածը գերիշխան է և ամբողջ աշխարհի Կառավարիչը: Շատ բաների պատճառը զփառենք, երբ աշխարհի այս կողմում ենք գտնվում, բայց մեր բաժինն է ամենակալ Աստծուն վստահելը ամեն պարագայում:

«Աստվածների մեջ, Տեր, ո՞վ է Քեզ նման, Ո՞վ է Քեզ նման, սրբության մեջ փառավորված, օրինություններով սքանչելի, հրաշքներ գործող» (Ելից 15:11):

Քաղված՝ «Օրինաբեր նոնենին» գրքից

Փողերի դատաստանները (1)

Ներածություն

Այս և նախորդ սերտողությունում դիտարկում ենք այն դատաստանները, որոնք տեղի են ունենալու երկրի վրա Նեղության ժամանակաշրջանում՝ Եկեղեցու հափշտակությունից ու Քրիստոսի երկրորդ գալստյան միջև ընկած յոթ տարիների ընթացքում։ Այժմ Հռվիանուն առաջյալին տրվում է դատաստանների տեսիլք, որոնք թափվելու են երկրի վրա Նեղության ժամանակաշրջանի վերջին 3.5 տարիների ընթացքում։ Աստվածաշնչում այն կոչված է Սեծ նեղություն (Հայտ. 7:14, հմնտ. Մատթ. 24:21)։ Այս դատաստանները թափվելու են, եթե փողերը հնչեցվեն, և թվում է՝ դրանք ավելի խիստ և ուժեղ են լինելու 6-րդ գլխում նկարագրված կնիքի դատաստաններից։

Եթե 4-րդ հրեշտակը հնչեցնի իր փողը, երկնքում թռչող մի հրեշտակի ձայն է լսելու, որը բարձրաձայն գոչելու է երեք վայեր (դժվարություն կամ սարսափ), որոնք առնչվելու են 5-րդ, 6-րդ և 7-րդ փողերին (տե՛ս Հայտ. 8:13, 9:12, 11:14, 12:12)։ Սա ցույց է տալիս, որ այս դատաստանները ավելի խիստ են լինելու, քան առաջին չորս հրեշտակների հայտարարած դատաստանները։

9-րդ գլխում մեզ ներկայացվում է մի վայր, որը կոչվում է անդրւնդ (Հայտ. 9:1, 2, 11, տե՛ս նաև 11:7, 17:8, 20:1, 3)։ Սենք իմանում ենք, որ դա չար հոգիների բնակության վայրն է, նաև այն վայրը, որտեղ սատանան քանտարկվելու է 1000 տարի։

10-րդ գլխում մեկ այլ զորավոր հրեշտակ է իջնում երկնքից (հմնտ. Հայտ. 5:2, 18:10), որի միջոցով Հովհաննեսը ստանում է յոթ որոտների ձայնները։ Բայց Հովհաննեսին թույլ չի տրվում գրել այն, ինչ լսում է (հմնտ. ԲԿորնթ. 12:4)։ Այնուամենայնիվ, նրան տրվում է մի փոքրիկ գրքոյնկ, որը նա պետք է ուտի։

11-րդ գլխում երկու վկաներ են (Եղիայի և Մովսեսի ոգով ու զորությամբ եկած – տե՛ս Հայտ. 11:6) հայտնվում Երուսաղեմում, որտեղ նրանք մարգարեանում են 1260 օր, այսինքն՝ 3.5 տարի։ Վկայության վերջում Աստված թույլ է տալիս, որ նրանց սպանեն, քայց Յզ օրից

աստվածային միջամտությամբ նրանք նոր կյանք են ստանում, իսկ հետո անպով բարձրանում երկինք:

7-րդ հրեշտակը հնչեցնում է իր փողը, ու երկնքում բարձր ձայներ են լսվում, որոնք հայտարարում են՝ ասելով. «Այս աշխարհի թագավորությունները դարձան մեր Տիրոջն ու Նրա Օծյալինը...»: Այնուհետև և 24 երեցները երեսնիվայր ընկնում են երկրպագության մեջ և գովարանում ու գրիություն են հայտնում Աստծուն (Հայտ. 11:15-18):

Հաջորդ երկու գլուխներում (12 և 13) խորհրդանիշների օգտագործմամբ մեզ են ներկայացվում Մեծ նեղության հիմնական դերակատարները (կամ գործակալները՝ արևը իր վրա հագած կինը, մեծ կարմիր վիշապը, արու զավակը, Միքայել հրեշտակապետը, ծովից դուրս եկող գազանը, երկրից դուրս եկող գազանը: Կինը (Բարայել ազգը) ծնում է արու զավակին (Զրիստոս Մեսիային), իսկ վիշապը (սատանան) անհաջող փորձում է ոչնչացնել Նրան: Այնուհետև երեխան հափշտակվում է Աստծո մոտ ու նատում Իր զահին:

Այնուհետև կարդում ենք տեսիլքի մասին, որը ներկայիս եկեղեցական շրջանից այն կողմ է ձգվում. երկնքում պատերազմ է լինելու Միքայելի, իր հրեշտակների ու սատանայի և նրա հրեշտակների միջև: Միքայելը հաղթելու է, և սատանան ցած է զցվելու երկիր՝ մեծ ուրախություն պատճառելով երկնքում:

Այնուհետև Աստված հրաշքով վերցնելու է կնոջը ու թաքցնելու է նրան 3.5 տարի (Մեծ նեղության 7 տարվա վերջին մասը): Վիշապը (այսինքն՝ սատանան) փորձելու է ոչնչացնել նրան, բայց նրա մոտ չի ստացվելու դա:

Երկու մեծ և չար անձնավորություններ են ի հայտ գալու, և վիշապը նրանց տալու է իր գորությունն ու իշխանությունը:

Հրեշտակները հնչեցնում են վեց փողերը (8:6 - 9:21)

Այս հատվածում կարդում ենք հրեշտակների կողմից հնչեցրած հաջորդական վեց դատաստանների մասին: Փողերը հնչեցնելիս դատաստանները բափկում են երկրի վրա: Ինչպես վերևում նշեցինք, այս դատաստանները տեղի են ունենալու Մեծ նեղության ժամանակաշրջանում:

Առաջին հրեշտակը հնչեցրեց փողը, եղավ կարկուտ ու արյունահասոն կրակ և զցվեց երկրի վրա: Արյունքում՝ այրվեց երկրի երրորդ մասը և ծառերի մեկ երրորդ մասը, ու այրվեց ամբողջ կանաչ խոտը: Հովհաննեսն այսպես նկարագրեց տեսիլքում տեսածը: Ումանք ենթադրում են, որ Հովհաննեսն իրականում միջուկային պատերազմ տեսավ (որն արդեն առաջարկված էր վեցերորդ կնիքի դատաստանի համար), որը մեկ ակնթարթում նման աստիճանի աղետի հանգեցրեց: Մթնոլորտը կցվի շնչահեղձ ծխով, ու կոչնչանա աշխարհի սննդամքերը (օրինակ՝ ցորենը, գարին, բրինձն ու վարսակը)՝ առաջացնելով համաշխարհային սով: Դրան կհաջորդեն համաճարակային հիվանդությունները, և միլիոնավոր մարդիկ ու կենդանիներ կմահանան:

Երկրորդ փողի դատաստանի ժամանակ Հովհաննեսը մի հսկայական այրվող լեռան նման մի բան տեսավ. որը ծովը զցվեց, և ծովի մեկ երրորդը արյան վերածվեց՝ ոչնչացնելով ծովային արարածների և նավերի մեկ երրորդը: Դարձյալ ումանք ենթադրում են, որ Հովհաննեսն ականատես է եղել միջուկային պատերազմի հետևանքով ավերածությունների, բայց դա կարող է նաև վերաբերել հրաբխի հսկայական ժայթքմանը: Աշխարհին ականատես է եղել հրաբխային ժայթքումների, որոնք ազդեցություն են բողել մեծ տարածների վրա և երկրի մթնոլորտ են արտանետել ծխի. փոշու և մոխրի հսկայական ծավալներ՝ ամխաներ շարունակ արգելափակելով արևի լույսը: Այդպիսի ժայթքումների օրինակներ են (ա) Սանտորինին՝ Հունաստանի արևելքում գտնվող փոքր կղզին, որը ժայթքել է մ.թ.ա. 1650 թ.-ին, որի արդյունքում մեծ ցունամի է առաջացել ու միլիոնավոր մարդիկ են զոհվել, (բ) Վեզուվ լեռը՝ Իտալիայում, որը ժայթքել է մ.թ. 79 թ.-ին՝ ավերելով Պոմպեյ և Հերկոլանեմ քաղաքները, (գ) Կրակատուան՝ Ինդոնեզիայում, որը ժայթքել է 1883 թ.-ին՝ առաջացնելով հսկայական ցունամի, որի հետևանքով զոհվել են հազարավոր մարդիկ: Երրորդ փողի դատաստանի ժամանակ Հովհաննեսը ջահի պիտի բոցավառվող մեծ աստղ տեսավ. որը երկնքից ընկավ՝ թունավորելով գետերի և ջրի աղբյուրների մեկ երրորդը: Այնուհետև մեզ հատուկ ասվում է. «Զրերի մեկ երրորդ մասն օշինդր դարձավ. և շատ մարդիկ այդ ջրերից մեռան, քանի որ դառն էին» (Հայտ. 8:11):

Դարձյալ առաջ է քաշվում այս միտքը, որ այս մեծ բոցավառ աստ-դը միջուկային պատերազմի մեկ այլ օրինակ է: Այնուամենայնիվ, դա կարող է լինել նաև հսկայական երկնաքար կամ գիսաստղ: Անց-յալում եղել են նման դեպքեր, օրինակ՝ «Barringer» խառնարանը՝ ԱՄՆ-ում՝ 1.2 կմ տրամագծով, «Chicxulub»-ը՝ Մեքսիկայում՝ 170 կմ տրամագծով, և «Aorounga»-ն՝ Աֆրիկայում՝ 17 կմ տրամագծով: «Chic- xulub»-ի հետևանքով միլիարդավոր տոննա տարատեսակ նյութեր արտանետվեցին մթնոլորտ՝ կես տարի արգելափակելով արևի լույ-սը: Դա կարող է հանգեցնել երկրի վրա ջերմաստիճանի նվազմա-նը, ընդհուար սառեցման կետի հասնելը:

Չորրորդ փողի դատաստանի ժամանակ արևի մեկ երրորդ մասը և լուսնի մեկ երրորդ մասը ու աստղերի մեկ երրորդ մասը զարկվեցին, այնպես որ նրանց մեկ երրորդ մասը խավարեց: Օրվա մեկ եր-րորդ մասը անլույս եղավ, ինչպես նաև՝ գիշերվանը: Թվում է, թե սա ուղղակի աստվածային միջամտության արդյունք է: Աստվածային նման միջամտությունը մարդկանց մոտ վախ կառաջացնի, բայց մենք հարցնում ենք, արդյո՞ք դա նրանց ապաշխարության ու Փըրկ-չին դիմելու կառաջնորդի՞՝, թե՞ ոչ (Ինմտ. Հայտ. 9:20-21, 16:11):

Այդ պահին Հովհաննեսը լսում է մի թռչող հրեշտակի երեք վայերի (նեղություն կամ սարսափ) հայտարարությունը, որոնք ուղեկցվելու են մնացած երեք փողերի դատաստաններին: Ինչ-որ սարսափեկի բան է սպասվում: Մինչ առաջին շրս փողերի դատաստանները վե-րաբերում էին հիմնականում երկրին, մնացած երեքը վերաբերում են ուղղակիորեն մարդկանց:

QMBC պանորամա
(Ըարունակելի)



Անմեղ կյանքը

Եկեք փորձենք պատկերացնել, թե որքան տարբեր կիհներ ձեր կյանքը, եթե ընդհանրապես մեղք չունենայիք: Ինչո՞ւ: Քանի որ շատ մարդիկ կարծում են, թե իրենց մեղքերը թիշ են ու աննշան, չեն գիտակցում, թե որքան է մեղքը ապականել իրենց: Սա հեշտ վարժություն չէ, բայց արժե՛ փորձել:

Այսպիսով, ձեր անմեղ կյանքը կառավարվում է սիրով, նախ՝ Աստծո, ապա մարդկանց նկատմամբ: Ընտանիքի, ընկերների, գործընկերների և անձանոթների հետ ձեր բոլոր փոխարարերություններում արտացոլվում է Աստծո և մերձավորների հանդեպ ձեր ունեցած սերը: Ուստի երբեք չեք ձախողի ուրիշների կամ Աստծո հանդեպ ձեր պարտականությունները կատարելու մեջ:

Աստծո հանդեպ ձեր սերը ամբողջական կլինի, եթե կիրառվի սըրտով, հոգով, մտքով և զորությունով: Ձեր սիրո մեջ շեղում կամ թերություն չի գտնվի, քանի որ այն այնքան է, որքան պետք է: Ձեր սերը երևում է Աստծուն հնազանդվելու մեջ. հնազանդություն, որը հոժառությամբ է, ուրախությամբ և անմիջականությամբ: Ձեր հավատքն առ Աստված երբեք չի տատանվի, և ձեր աղոթքն իրական կլինի, առատ, մտերիմ ու անկեղծ:

Սերձավորների հանդեպ ձեր սերը նույնպես հոժարական և ամբողջական կլինի: Դուք երբեք չեք դժգոհի սեփական անձից առաջ ուրիշների մասին հոգալու համար և երբեք չեք ափսոսա, որ որևէ իրավիճակում կարող էք ափելի լավը կամ շատը անել: Դուք երբեք ծույլ, եսասեր կամ եսակենտրոն չեք լինի, չեք զբաղվի ինքնազբությամբ կամ վրեժիննդրության մտքերով: Երբեք ձեր անձը չեք բարձրացնի կամ ուրիշներին չեք ստորացնի, սուս վկայություն չեք տա, այլ միայն ճշմարտությունը կասեր սիրով: Դուք երբեք ստիպված չեք լինի ներողություն խնդրել կատարվածի կամ ասված խոսքի համար, կամ չկատարվածի ու չասված խոսքի համար: Դուք երբեք ստիպված չեք լինի ետ վերցնել չմտածված կամ հիմարաբար արտաքերած խոսքը:

Զեր կյանքը կրնութագրվի խաղաղությամբ, որին չեն հաղթի դժվար պարագաներն ու վիրավորանքները, իսկ ձեր քարմացող ուրախությունը նկատելի կդառնա ձեր շուրջը գտնվող վախեցած, զայրացկոտ, լկտի և ագահ մարդկանց մեջ: Դուք չեք հպարտանա: Զեր խոնարհությունն ու պարզ գոհունակությունը օրինություն կիմնեն բոլոր նրանց համար, ովքեր շփվում են ձեզ հետ: Դուք նույն մարդը կիմնեք թե՛ մուրացկանի և թե՛ բազավորի հետ շփվելու ժամանակ:

Վերը նշվածներից ոչ մեկը չեք կարող ձեռք բերել վարժությունների, դասընթացների կամ խորհրդածության միջոցով: Այն պետք է ձերը լինի ձեր ճանապարհը սկսելու ժամանակից՝ ամենավաղ մանկությունից, և միայն տարիներ անց այն կհասունանա ու արմատ կցցի:

Դուք երբեք չեիք իմանա մեղքի տանջանքների մասին, չեիք վախենա ապագա դատաստանից և երբեք ստիպված չեիք լինի խնդրելու ո՛չ Աստծո ողորմությունը, ո՛չ էլ մարդու ներումը: Դուք կհասկանայիք, որ ձեր մեջ ոչ մի մեղք չկա, ձեր մտքերի, խոսքերի և գործերի միջև միշտ կատարյալ հետևողականություն և ներդաշնակություն կլիներ: Զեր միտքը՝ մարուր, սերը՝ իրական, կարեկցանքը՝ գործնական և աղոռքը անկեղծ կլիներ:

Կարելի է այս ցանկը երկարացնել, բայց մենք այնքան հեռու ենք վերոհիշյալ հրաշալի կյանքից: Ընդամենը մի քանի պահ լուրջ մտածելը կօգնի մեզ՝ հասկանալու, որ մեղքը դարձել է մեր էության մասը, և ոչինչ չենք կարող անել նրա ապականությունից խուսափելու համար:

Սիրելի՝ ընթերցող, Նազովրեցի Հիսուսը ապրեց այստեղ նկարագրված կյանքը և ավելին: Ոչ ոք երբսէ չի պնդել, որ ապրել է այնպես, ինչպես Նա: Մնացածս՝ ի ծնե մեղքի մեջ մեռած ենք:

Տեր Հիսուսն աշխարհ եկավ որպես մեղքի անմեղ պատարագ՝ մեր հոգիները փրկելու համար: Նա Իր Անձը զոհաբերեց, և Աստված Իր զորությամբ մեռելներից հարուցանեց Նրան՝ այդպիսով փրկության ճամփան բացելով մեզ համար:

Վստահ եմ, որ կարող եք տեսնել, թե որքան անհնար է Աստծո առջև սեփական թույլ ջանքերով արդարանալը:

Տեր Հիսուսի մահը, որին մենք էինք արժանի, մեր փրկության միակ հույսն է: Միայն Աստծո շնորհքով՝ մեր մեծ կարիքը խոստովանելով և մեր Փրկիչ Տեր Հիսուս Քրիստոսին վստահելով կարող ենք ճաշակել Աստծո հրաշալի ներուժը, խաղաղությունն ու լիովի կյանքը:

Արդյոք ձեր մեղքը ներվա՞ծ է: Տեր Հիսուսին ճանաչո՞ւմ եք որպես ձեր Փրկիչ: Պատրա՞ստ եք Նրա հետ հանդիպելու:

«Որովհետև Աստված Իր Որդուն չուղարկեց աշխարհ, որ աշխարհը դատի, այլ՝ որ աշխարհը Նրանով փրկվի» (Հովհ. 3:17):

Նեյլ Բուզման

Երբ կյանքը կիտրոններ է տալիս

Հակոբոս 1

Ես շատ էի ուզում Կանադա գալ: Ընկերներիցս շատերը և մորեղբորս տղան արդեն Հունաստանից Կանադա էին գնացել: Ես ուզում էի օգնել իմ աղքատ ծնողներին, ովքեր դժվարանում էին խնամել ինձ ու քրոջս, ուստի Կանադա գնալու միտքն ուրախացնում էր ինձ:

Ծնողներս մորեղբորս դիմեցին ինձ հովանավորելու խնդրանքով, սակայն շատ հուսահատեցնող մերժում ստացան: Տխուր և կոտրված սրտով ես տնից դուրս եկա: Շատ դատնացած էի ու մտածում էի, որ կյանքը բոլորովին արդար չէ: Այլևս չգիտեի, թե ուրիշ ինչ կարելի էր անել, ուստի գնացի Արենքի կենտրոն և մտա հունական ավիացիայի ռազմաօդային ուժերի գրասենյակ՝ որպես կամավոր գրանցվելու: Այստեղ ես ծառայեցի քսանութ ամիս:

Սիամանանակ դիմեցի Կանադա գնալու համար, որի վավերացման համար պահանջվեց քսանչորս ամիս: Ես մտածեցի, որ ամեն

բան ճիշտ ժամանակին եղավ. ես հրաժեշտ տվեցի ընտանիքիս անդամներին և ընկերներիս ու գնացի Կանադա:

Եթք հետադարձ հայացք եմ զցում, տեսնում եմ, որ Աստծո մատը կա դրա մեջ: Աստված կյանքի կողմից ինձ հրամցված կիտրոնը քաղցր հյութ դարձրեց: Վստահ եմ, որ քո կյանքում էլ է եղել այդպիսի բան: Կյանքը հաջողության քաղցր պտուղների փոխարեն երբեմն մեզ կիտրոններ է տալիս:

Գուցե քո ստացած կիտրոնը ծանր հարված չէ քեզ համար՝ թեթև կորուստներ, քարկության թեթև պատճառներ: Սակայն կան նաև ավելի լուրջ հարվածներ, ինչպես օրինակ՝ աշխատանքդ, սիրած էակիդ, ունեցվածքդ կամ հարազատիդ կորցնելլը: Ամեն դեպքում, անկախ տարիքից, մարդը սովորում է ու հասկանում, որ կյանքը կարող է կիտրոններ էլ հրամցնել: Հարցն այն է, թե ինչպես ենք մենք վարդում այդ կիտրոնների հետ: Հակոբոսի գիրքը անդրադառնում է այդ հարցին և օգտագործում է «նեղություններ» բառը:

Հակոբոսն ասում է, որ կան նեղություններ, որոնք Աստծոց են և կյանքի դասեր են տալիս. «Բոլորովին ուրախություն համարեցե՛ք, եղբայրնե՛րս, եթք որ կերպ-կերպ փորձանքների մեջ ընկնեք՝ գիտենալով, որ ձեր հավատքի փորձառությունը համբերություն է գործում... Երանելի է այն մարդը, որ համբերում է փորձության, քանզի եթե փորձվելով ընտիր գտնվի, կյանքի պատկը կառնի, այն, որ Տերը խոստացավ իրեն սիրողներին» (Հակ. 1:2-3, 12):

Նեղությունները կրթում են մեզ: Անհրաժեշտ է «նեղությունները» շփորքել «գայթակղությունների ու ցանկությունների» հետ: Ցանկությունները մեզանից են ծնվում ու մահվան են առաջնորդում:

Գայթակղության ժամանակ ոչ ոք չպետք է ասի. «Ոչ ոք, ով փորձության մեջ է, չասի, թե Աստծոց է փորձվում, որովհետև Աստված չար բաներով չի փորձվում, ինքն էլ ոչ մեկին չի փորձում: Բայց ամեն մեկը փորձվում է բուն իր ցանկությունից հրապուրված և խարված» (Հակ. 1:13-15):

Քանի որ Աստված թույլ է տալիս, որ մեր կյանքի նեղությունները կոփին մեզ, և քանի որ նրան մեղադրելու, տրտնջալու կամ նրա դեմ

ըմբռստանալու, մեղք գործելու ու մեր կյանքը խառնաշփորի վերածելու վտանգ կա, մենք պետք է համոզված լինենք, որ ճիշտ ենք արձագանքում մեր կյանքի նեղություններին:

Հակոբոս 1:19-ի հետևյալ բանաձևը կօգնի մեզ՝ առավելագույնս դաս քաղելու մեր նեղություններից: Երբ կյանքը քեզ կիտրոն է տալիս, դու դարձրո՞ւ այն քաղցր հյութ: Ահա՝ աշխարհի ամենաքաղցր հյութի բաղադրատոմսը.

Լսելու կարողություն ունեցեք

Ո՞ւմ պետք է լսենք: Իհարկե, մարդկանց լսելը ճիշտ է ու անհրաժեշտ: Երբեմն այնքան ենք կենտրոնանում մեր հոգսերի և անձնական շահերի վրա, որ չենք լսում, թե մեզ ինչ են ասում որիշները:

Հակ. 1:19-ի համատեքստից հասկանում ենք, որ խոսքը նեղությունների ժամանակ լսելու մասին է: Երբ նեղության մեջ ենք ընկնում, մեզանից բացի ոչ ոքի չենք կարողանում լսել: Երբ մեր ծրագրերը խափանվում են կամ անհարմար իրավիճակներում ենք հայտնվում, նեղարտում ենք: Երբ որևէ մեկը փորձում է մեզ ինչ-որ բան ասել, չենք ուզում նրան լսել: Սակայն Հակոբոսը չի խոսում որիշներին լսելու մասին. նա խոսում է Աստծո Խոսքը լսելու և նրան հնազանդվելու մասին:

«Բայց խոսքը կատարո՞ղ եղեք և ոչ միայն լսողներ՝ ձեր անձերը խարելով» (Հակ. 1:22):

Աստվածաշունչն Աստծո բաղադրատոմսի գիրքն է: Եթե չես հետևում քաղցր հյութ պատրաստելու բաղադրատոմսին, բնականաբար քաղցր հյութ չես ունենա: Երբ դժվարության մեջ ես, խկույն լսի՛ր Աստծո Խոսքը, հնազանդվի՛ր նրան և օգնի՛ր Աստծո ժողովըրդին:

Չա՛տ լսիր, քի՛չ խոսիր

Դարձյալ սա վերաբերում է մեր դժվարություններին: Խոսելիս դու չես լսում: Եթե չես լսում, ապա չես սովորում: Եթե չես սովորում, ապա չես աճում: Եթե չես աճում, ապա ոչ թե հաղթում ես, այլ պարտվում: Կարծ ասած՝ լո՛ու մնա և լսի՛ր, թե Աստված ինչ է ասում քեզ:

Մի՛ շտապիր բարկանալ

Ես ապշում եմ, թե որքան հաճախ է բարկությունը դառնում ընդհարումների կամ ֆիզիկական ու հուզական խնդիրների պատճառ։ Երբ մարդիկ գայիս են ինձ մոտ խորհրդատվության, վերջում հաճախ ենք խոսում բարկության մասին։ Բարկությունը սպանում է քեզ և այն մարդուն, որի վրա բարկացած ես։

Որպես ամփոփում՝ ասեմք, որ քաղցր հյուրի բաղադրատոմար Անդրառում է գործողություններ, խոսքեր և մոտեցումներ։ Նեղությունների մեջ քրիստոնյաները հաճախ ճիշտ քայլեր են անում, բայց ասում են սխալ բառեր և ունենում են սխալ մոտեցումներ։ Մինչև երեք ոլորտներն էլ ճիշտ չինեն, չի կարող հոգևոր աճ և հաղթանակ լինել։

Նեղության մեջ փորձիր առավելագույնս դասեր քաղել։ Թող քո քայլերը, խոսքերն ու մոտեցումները հիմնված լինեն աստվածաշրնչյան սկզբունքների վրա։ Զրիստոնյաները պետք է դժվարությունները հաղթահարեն իրենց հավատին համապատասխան կերպով։

Վեր.՝ Հովսեփի Հովսեփյան

«¹Ամեն բան իր ժամանակն ունի, ու երկնքի տակ եղող ամեն ձեռնարկ՝ իր ժամանակը.

²Ճնվելու ժամանակ և մեռնելու ժամանակ, տնկելու ժամանակ

և տնկվածն արմատախիլ անելու ժամանակ։

³Սպանելու ժամանակ և բժշկելու ժամանակ,

քանդելու ժամանակ և շինելու ժամանակ,

⁴լալու ժամանակ և ծիծաղելու ժամանակ, սպալու ժամանակ և պարելու ժամանակ,

⁵քարերը գցելու ժամանակ և քարեր հավաքելու ժամանակ,

գրկելու ժամանակ և գրկից հեռացնելու ժամանակ,

⁶փնտորելու ժամանակ և կորցնելու ժամանակ, պահելու ժամանակ և դեն գցելու ժամանակ,

⁷պատռելու ժամանակ և կարելու ժամանակ, լրելու ժամանակ ու խոսելու ժամանակ։

⁸սիրելու ժամանակ և ատելու ժամանակ,

պատերազմի ժամանակ և խաղաղության ժամանակ»։

(Ժող. 3:1-8)

Եթե նույնիսկ Նա սպանի ինձ, ես Նրան եմ հուսալու

Միքայել եղբայր Նազարյանը, որ մեր եկեղեցու տարեց եղբայրներից էր և Դեր Զորի սպանից կենդանի ավազահատիկը, այսպես է վկայում աքսորի ճանապարհին իր մոր և քրոջ հետ ունեցած մի փորձառության մասին:

Մենք էլ, գաղթականության ցուալը ձեռքներիս, բողեցինք ամեն բան ու հեռացանք: Եվ շատ օրեր թափառելով՝ վերջապես հասանք Ռաս-Էլ-Այն կոչված տեղը, ու փոքրիկ վրան դմելով՝ ութ ամիս այնտեղ մի քիչ հանգստացանք: Մի քանի ամսվա ընթացքում այնտեղ հավաքվեցին Թուրքիայի տարբեր քաղաքներից աքսորված վարչունիհինն հազար հայ գաղթականներ:

Այդ դաժան, խեղճ վրանի տակ մեր թշվառ վիճակում՝ մորս օրինակելի կյանքը անմոռանալի է ինձ համար: Նա, ամեն օր վաղ առավոտյան ծնրադրած, ձեռքերը տարածելով՝ գոհունակությամբ և աղաչանքով աղոքելուց հետո մեղմ ձայնով սրտանց երգում էր. «Ալելուիա, համտլար ալելուիա» երգը: Մորս խորագիրն էր. «Եթե նույնիսկ Նա սպանի ինձ, ես Նրան եմ հուսալու» (Հոր 13:15):

Այս գաղթավայրի անբացատրելի թշվառ կյանքը և ձմռան ցուրտը մահամերձ մի հիվանդությունով ինձ գետին տապալեցին: Օրեր շարունակ սաստիկ ջերմությամբ անզգայացած եմ եղել՝ գիշեր-ցերեկ զառանցելով: Եվ ահա մի օր տեսիլք կամ երազ տեսա ու քրտինքի մեջ կորած՝ աչքերս բացեցի: Տեսա, որ մայրս և քույրս նստած, դառնապես լացում էին ու ողրում՝ կարծելով, թե ես մահացել եմ: Ասացի. «Մամա՛, մի երազ տեսա, շնորհալի նայվածքով մի մարդ, մեջքին ծանր բեռ, քայլում էր: Վազելով նրան մոտեցա ու օգնությունս առաջարկեցի, բայց նա՝ գորովագործ նայվածքով ինձ նայեց ու ասաց. «Որդյակ իմ, այս բեռը քո մեղքերն են: Թո՞ղ ես տանեմ: Բայց քո ձեռքը տո՞ւր, որ բռնեմ, ու ինձ հետևիք»»: Այդ պահին մայրս իր ձեռքերը տարածեց ու գոհացավ Տիրոջից և ասաց ինձ. «Ո՞հ,

տղան, այս 40 օրերում, երբ դու մարել էիր, չէիր ուտում, չէիր խմում, չէիր խսում, Հխուսը ձեռքդ բռնեց, քեզ կյանք տվեց: Քույրդ և ես այս աքտուավայրում պիտի մահանանք, բայց դու ապրելու ես: Իմ խրատն այս է. «Դու քո Տեր Աստծուդ շմոռանան՝»:

Հազիվ թե երկու օր անցավ, 1916 մարտ ամսվա վերջում մահագույժը հնչեց: Ուսս-Էլ-Այնում գտնվող 65,000 հայ գաղթականները զրկվեցին իրենց վրաններից, ու մեծից փոքրին կողոպտեցին ու վերջին պատառ չոր հացը խլեցին մեր ձեռքից: Թուրք ձիավոր ժանդարմները մեզ քշեցին դեպի Դեր Չորի անապատը, դեպի սպանդանց, դեպի հայի Գողգոթան՝ բուրքի ծրագրած դաժանաբարու ազգասպանության ոճիրը գործադրելու համար:

Սի օր հանկարծ ամեն կողմից վայրենի արարների խուժանը, կատաղած գազանների նման, բրերով ու սրերով հարձակվեց մեզ վրա, ու ջարդ սկսվեց. մայր, քույր, եղբայր իրար կորցրինք: Խուճապի մատնված ամբոխի մեջ, երբ վերջին անգամ քրոջս հանդիպեցի, սրբտի վրա սեղմած Սուրբ Գիրքը ինձ տվեց ու ասաց. «Եղբա՛յր, ուժապառ եմ, այլևս չեմ կարողանում քայլել: Վերցրո՛ Սուրբ Գիրքս, արագ վազի՛ր ու գտի՛ր մամային»:

Քրոջս հուսահատ վերջին խոսքերը դեռ հնչում են ականջիս մեջ:

Իմ ընտանիքից միայն ես փրկվեցի, որպեսզի պատմեմ Աստծո իրաշքները:

«Զեմ մեռնելու, այլ ապրելու եմ, որ Տիրոց գործերը պատմեմ» (Սաղ. 118:77):

Քաղված



Ա Տիմոթեոս 6:11-12

11. Բայց դու, ո՞վ Աստծո մարդ, փախի՛ր այս ամենից և գնա արդարության, աստվածապաշտության, հավատի, սիրո, համբերության ու հեղության ետևից:
12. Պատերազմի՛ր հավատի բարի պատերազմը, պահի՛ր հավիտենական կյանքը, որի մեջ կանչվեցիր ու դավանեցիր բարի դավանությունը շատ վկաների առաջ:

Ինչո՞ւ եմ քաղցկեղը կոչում ի՞մ օրինությունը

«Որովհետև մարմնի մարզումը թիշ բանի համար է օգտակար, իսկ աստվածապաշտությունը՝ օգտակար է ամեն ինչի համար՝ թե՛ ներկա, և թե՛ զայլիք կյանքի խոստումն ունենալով» (Ա Տիմ. 4:8): Ես երբեք չեմ իմացել, թե որքան կարիք ունեի, որ Աստծո Խոսքը բնակվի իմ մեջ, մինչև որ գրեթե 13 տարի առաջ չախտորշվեց քաղցկեղս՝ Գլխոնի գնահատականով 9-ը, իսկ PSA-ը՝ 73 (ներկայիս):

Քաղցկեղը ճանապարհորդություն է: Այն ամենօրյա զբոսանք է Աստծո հետ, և ես այն երբեք ոչինչով չեմ փոխանակի: Ոմանց համար քաղցկեղը սարսափելի հիվանդություն է, որը մահվան է տանում, որիշների համար այն ամոքալի հիվանդություն է, որը փորձում են զաղտնի պահել, որիշները չեն ուզում «Զ» տառը օգտագործել, ուստի դրա փոխարեն «սարսափելի հիվանդություն» եղույթն են օգտագործում: Ոմանց համար էլ այն անեծք է:

Սի անգամ «Քաղցկեղը իմ օրինությունն է» վերնագրով հոդված հրապարակեցի, և մի տիկին զանգահարեց ինձ՝ հարցնելու, թե ինչպես կարող եմ քաղցկեղը օրինություն անվանել: Ես նրան պատասխանեցի՝ ասելով, որ իմ քաղցկեղը իմ օրինությունն է: Թույլ տվեք բացատրել, թե ինչ նկատի ունեմ:

Քաղցկեղը կարող է մեզ ավելի մոտեցնել Աստծուն: Մենք սկսում ենք Նրան բոլորովին այլ կերպով ճանաչել: Հորի հետ միասին կարող ենք ասել. «Ականջի լսելով լսել էի քո մասին, բայց իմա աչքերս տեսնում են քեզ» (Հոր 42:5): Բժիշկները երեք տարուց պակաս կյանք գնահատեցին, բայց Աստված այլ ծրագիր ուներ:

Դժվար ժամանակներում այն բաներից մեկը, որ կարող ենք անել, Նրա խոստումներից կառչելն ու դրանք երբեք բաց չքողնելն է: Սատանան գուցէ փորձի խեղաքյուրել ճշմարտությունը մեր մտքում: Ընկերները թերևս փորձեն նույնը անել: Սի մտերիմ ընկեր ունեի, ով ասել էր. «Դադարեցրո՛ ամեն ինչ, փակի՛ խանությ, ավարտի՛

ծառայությունդ, գնա՛ և քեզ համար լողափին տուն գմի՛ր և ամբողջ օրը պառկի՛ր արևի տակ»: Այս դեպքը եղել է 13 տարի առաջ, և եթե ես ընդունեի նրա խորհուրդը, ապա վաղուց մահացած կլինեի:

Այս 13 տարիների ընթացքում Հիսուսի համար ապրելու օրհնությունն եմ վայելել: 15 անգամ Հայաստան եմ ճամփորդել, երեք զավակներս ամուսնացել են, և Աստված օրհնել է մեզ՝ պարզելով իհնագ քոռնիկ: Ավտորալիայում և Հայաստանում մեր ծառայությունը օրհնված ու ընդլայնված է: Իմ ամենօրյա խորհրդածությունների ձայնագրությունները արդեն 500-ից ավելի են:

Դեղամիջոցս 46 տարբեր կողմնակի ազդեցություններ ունի, և մինչ դրանք մաշում են մարմինս, ես ամեն օր նախանձախնդրությամբ և նոր երգով եմ արթնանում: Երբեմն զարմանում եմ, թե որտեղի՞ց է գալիս այս եռանդը: Տերը ինչպե՞ս է նման նախանձախնդրություն պարզելում: Իսկապես Նրա ճամփաները անքննելի են:

Ես կույր չեմ իրականության հանդեպ. ես տեսնում եմ, թե ինչ է կատարվում մարմնիս հետ, բայց դուք պետք է տեսնեք իմ հոգին: Մեր տկարության մեջ է, որ տեսնում ենք Նրա զորությունը: Հետազոտություններիս արդյունքները այդքան էլ ոգևորիչ չեն, մարմինս տկարանում է, սակայն ներքին խաղաղությունը հարատելու ուժ է տալիս ինձ: Այս պահին յոթ հիվանդությունը հարատելու ուժ է տալիս ինձ: Այս պահին յոթ հիվանդությամբ եմ տառապում: Օրական 13 դեղահար և 2 ներարկում եմ ընդունում: Ես գիտեմ, որ երկրի վրա իմ օրերը հաշված են, բայց անհամբեր սպասում եմ հավիտենականությանը՝ մի վայր, որտեղ հիվանդություն, ցավ կամ արցունք չկա:

Որքա՞ն եմ վիճաքանել Աստծո հետ՝ ասելով. «Եթե ես աշխարհը ստեղծեի, ապա երբեք քոյլ չի տա նրա մեջ դժվարություններ, ցավ, հիվանդություն կամ մահ գտնվեր»: Եվ Աստված պատասխանեց ինձ՝ հիշեցնելով, որ Ինքը ճիշտ այդպես էր արել: Նա Աղամին ու Եվային դրել էր Եղեմի պարտեզում, որտեղ ո՛չ ցավ, ո՛չ հիվանդություն և ո՛չ էլ մահ կար: Այնուամենայնիվ, մարդիկ ձախողվեցին, և մեր մեղքը աշխարհը հասցրեց այս անհանգիստ վիճակին: Սակայն Աստված Իր սիրո ճոխությամբ մեզ ուղարկեց Իր միածին Որ-

դուն, որպեսզի ով որ Նրան հավատա, չկորչի, այլ հավիտենական կյանք ունենա:

Ճառագայթ ընդունելու համար անհրաժեշտ է երկու շաբաթ առավոտյան ժամը 7:00-ին իիվանդանցի նկուլ գնալ: Մարդիկ ահ ու սարսուր են վերապրում այնտեղ: Մարդիկ վերելակով են իջնում նկուլ ու նրանց դիմաց բացվում է թույլ լուսավորություն ունեցող ցուրտ ու մեծ սենյակը, որտեղ պատուհաններ չկան: Աքոռները տեղադրված են մեծ շրջանակի մեջ, որոնց վրա նստած են ամեն տարիքի մարդիկ: Շատերը իիվանդանցային զգեստներով են: Որդիները գրկած են իրենց մայրերի տկար մարմինները, մայրեր գրկած են իրենց դեռահասներին, որոնց տկար մարմինների վրա մազ չի մնացել, հոնքեր չկան: Զյան պես ճերմակ երեխանները լալիս են: Սա է ստորգետնյա սենյակի մոդավանջը:

Բոլորս նստում ենք սպասարահում, ամեն մեկս վախեցած հայացքով նայում է դիմացինի դեմքին՝ կարծես թե մտածելով, թե հաջորդը մեզանից մահանալու ում հերքն է: Կողքս նստած էր հիսունն անց մի տղամարդ, ով հարցրեց ինձ, թե ինչպես են գործերս: Սի քանի բառով փորձեցի պատմել իմ՝ Տիրոջ հանդեպ ունեցած հավատքիս մասին: Նա էլ պատմեց, թե ինչպես է կորցրել իր աշխատանքը, թե իր կինը բռղել է իրեն, և ընկերներն այլևս չեն հետաքրքրվում իրենով: Ասաց, թե բուժումն ավարտելուց հետո երբ տուն է գնում, բանտարկվում է տան շորս պատերի մեջ՝ մեկուսացած, ճնշված: Յավոք սրտի, ճառագայթ ընդունելու հերթը նրան հասավ, և մենք չկարողացանք շարունակել մեր գրույցը, բայց նրա հուսահատությունը մեծ ազդեցություն քողեց ինձ վրա:

Սիրելի՝ բարեկամ, որտե՞ղ ես այսօր: Ինչի՞ դեմ ես պայքարում: Տեր Հիսուսին ունե՞ս կյանքի մեջ:

Ստորգետնյա սենյակի անկյունում տեղադրված էր առողջապահության վարչության թերթիկների սեղանը: Վերնազրերը զանազան էին, ամեն տեսակի քաղցկեղի մասին թերթիկներ կային: Ես ընտրեցի շագանակագեղձի քաղցկեղի մասին թերթիկը: Ետևի էջի վրա այսպես էր գրված. «Եթե որևէ հավատքի պատկանող հոգևոր անձնավորություն եք, ապա խստորեն խրախուսում ենք ձեզ հետևել ձեր

հավատքին, քանի որ այն մեծապես կօգնի ձեզ»: Ես այնքան ցնցված էի՝ այս տողերը կարդալով, քանի որ մարդիկ փորձում են դպրոցներում դադարեցնել սուրբգրությունը սովորեցնելն ու աղոքելը, փորձում են ամենօրյա կյանքից հեռացնել հոգևոր քաների մասին ցանկացած հիշատակում, իսկ հիմա, երբ մահվան մահման վրա ենք, նրանք քաջալերում են մեզ հենվել մեր հոգևոր սկզբունքների վրա:

Հիսուսն ասում է. «Ինձ մո՛տ եկեք, բոլոր հոգմածներ և բեռնավորվածներ, և Ես ձեզ հանգստություն կտամ» (Մատթ. 11:28): Շատ դժվար է, երբ մարմինս չի գործում, և ուժու շուտ է սպառվում: Դժվարությամբ եմ ոտքի կանգնում ու քայլում: Սկսել եմ ձեռնափայտով քայլել: Մի օր աղոքքիս մեջ այսպես ասացի Տիրոջը. «Հայր, ինչո՞ւ կտրեցիր իմ ձեռքերը»: Նրա անմիջական պատասխանը եղավ. «Ես միայն խուզեցի քո թերը»: Ես սկսեցի ծանր հեկեկալ: Երբ փոքր տղա էի, աղավնիներ էի պահում: Նրանց կրթելու գործներացում ներառված էր նրանց թերը խուզելը, որպեսզի կողքս մնային: Մեր տկարություններն ու հիվանդությունները մեզ ավելի են մոտեցնում երեն: Դրանք օգնում են մեզ՝ կյանքը այլ տեսանկյունից տեսնելու:

Պատասխանս հետևյալը եղավ. «Տեր, շնորհակալ եմ Ձո սիրո համար»: Այո՛ քարեկամս, դու նույնպես կարող ես զգալ, որ ձեռքերդ կտրված են, բայց Տերը պարզապես թերդ է խուզել, որպեսզի միասին իր մեջ մնանք:

Մեր ճանապարհորդությունը ավարտված չէ, և որքան ավելի մոտ լինենք Նրան, այնքան ավելի կճաշակենք Նրա քաղցրությունը: Մեր հաղթանակը Քրիստոսի մեջ է, և մեծ փափառով սպասում ենք Նրա ներկայության մեջ գտնվելուն: Մի օր ծունկի ենք գալու Նրա առջև ու մեծ ուրախությամբ երկրպագելու ենք Նրան՝ ազատ լինելով ցավից, հիվանդությունից և այլ դժվարություններից: